



XIV


232588





A P O L O G I E  
à la Lettre de Mon-  
sieur de Neuers,

*Escrite de Soissons le dernier iour de  
Ianuier 1617. & enuoyee  
au Roy.*

 E D V C de Neuers  
s'estant rendu depuis  
peu de iours à Soissons  
pour fortifier ses desseins & les in-  
telligences qu'il pratique dedans  
& dehors le Royaume, a fait vne  
Depesche au Roy, qui tesmoigne



Case

F

39

.326

1617ap0

2.

en apparence quelques submissiōs  
& debuoirs, & en effet n'est qu'une  
expresse medifance & calomnie des  
actions du Marefchal d'Anchre,  
pour en eteindre & etouffer la re-  
putation, ou en diminuer l'estime  
pres de fa Maiefté, & le rendre  
odieux à toute la France. Il ne faut  
point douter que le Marefchal  
d'Anchre ne defirast au prix de son  
fang que fa Maiefté se peust don-  
ner veritable creance de la fidelité  
dudit Duc de Neuers, afin que le  
Royaume demeurast paisible &  
fans factions, son auctorité res-  
pectee & fa couronne entiere. Mais  
d'autant que les protestations de  
cette obeiffance qui deuroient  
estre rendues le genouil en terre  
dans le Cabinet à la personne

mesme du Roy, s'éuanouissent en  
fumées, & se perdent en calomnies  
qu'il publie l'espee à la main tenant  
la campagne couuerte de gens de  
guerre, armez à la ruine de la Fran-  
ce. Le Marechal d'Anchre ne sera  
pas marri d'estre la butte, où les  
traits de sa colere portent incessam-  
ment, pourueu qu'ils ne puissent  
donner atteinte à l'Estat. L'on sçait  
qu'il a parlé librement dans les  
Conseils du Roy: Dieu en est tes-  
moin & sa Maiesté en sera iuge a-  
uec quel zele pour la grandeur de  
son auctorité Royale: comme vn  
bon seruiteur ayant regret de voir  
le Royaume déchiré en pieces par  
les mains de ceux qui auoient tant  
d'interest à sa conseruation, & les-  
quels toutefois se laissoient empor-



ter à des desseins capables de produire d'estranges inconueniens. Voila les subiets de leur calomnie, qui sont fort honorables & avantageux au Mareschal, & le doiuent rendre plus digne de la bienveillance de sa Maiesté, afin qu'à son exemple ses autres subiets reconnoissent qu'en bien seruant elle les protegera, les comblera de ses faueurs, & qu'ils aprennent que pour bien seruir il ne faut auoir respect d'autre grandeur que de celle de son Prince. Si le Roy se veut faire représenter les memoires de ce qui s'est passé depuis la prise de Mezieres, elle y remarquera que le Duc de Neuers a entrepris sur ses places par surprises ou de viue force, s'est fortifié de garnisons de

gens de guerre, de suite d'estran-  
gers, allié de confederations estroi-  
tes avec des esprits nourris & ele-  
uez dans les diuisions: Qu'il a fou-  
lé aux pieds la dignité des loix, fait  
litiere des Magistrats, traité indi-  
gnement par mespris avec risce &  
mocquerie les Officiers du Roy,  
executant ses Commissions. Le  
Mareschal d'Anchre au contraire,  
de son seul mouuement & preue-  
nant la volonté de sa Majesté, sur  
la simple opinion qu'il conceut  
pour le bien de ses affaires, il a qui-  
té la Lieutenance generale de Pi-  
cardie, où de long temps ses habi-  
tudes estoient formées pour le ser-  
vice du Roy, non pour ses inte-  
rests: Et remis la Citadelle d'A-  
miens fournie autant que place de



France, de Canon, armes & munitions, voisine de Paris & de la frontiere, és mains de sa Maiesté, pres de laquelle il se rendit comme particulier, ne desirant autre place de seureté que l'honneur des bonnes graces de son Maistre; Quand le Roy luy commanda d'accepter la Lieutenance generale de Normandie, son obeissance fut prompte, il trouua tous les Ordres de la Province dans le deuoir, & à son arriuee douze cents Gentilshommes protesterent, que leur espee, leurs biens & leur vie ne seroient iamais espargnez pour tesmoigner leur fidelité. Avec la mesme promptitude & submissions, lors qu'il plaira au Roy, il mettra à ses pieds honneurs, charges & dignitez, resolu



de viure en la condition que la vol-  
lonté de sa Maiefté, son obeissance  
& non sa faute, determineront: Et  
à souffrir que tous les orages tom-  
bent sur luy, si par sa cheute l'Estat  
peut estre affermi, ou sa ruine eui-  
tee. Mais les reuoltes ne manquent  
point de pretexte: Ce que la raison  
& l'equité refusent aux malcontens  
se tourne en desespoir pour eux, en  
desobeissance enuers le Prince, &  
en rebellion qui n'a pour voix que  
la calomnie. Descrier le proceder  
du Mareschal d'Anchre est vne le-  
gere couverture pour l'iniustice de  
leurs armes. Plus ses actions passe-  
ront par leur enuie, plus elles en  
sortiront nettes & pures. La sincer-  
ité de ses intentions & le tesmoi-  
gnage de sa conscience ne luy peu-

uent estre ravis. Monsieur du Vair  
ayant esté appelé à la charge de  
Garde des Sceaux pour sa suffisance  
& prudence, c'est crime d'estimer  
que sa probité soit la cause de  
sa retraite, laquelle le Duc de Ne-  
vers impute au Marechal avec ar-  
tifice, afin qu'il paroisse n'offenser  
directement le Roy, blasmant sa  
conduite & l'election que sa Maie-  
sté en a fait depuis. Il ne se peut  
plaindre de l'absence de quelques  
vns des anciens Ministres, qu'il ne  
condamne aussi tost les premiers  
Manifestes qui en demandoient  
l'esloignement. Ses discours, que  
la Main, le Sceau, la Bourse, & les  
Armes, sont en la disposition du  
Marechal, l'accusent encores da-  
vantage, les Secretaires des com-  
mande-



mandemens ayants esté continuellement empeschez à faire des déclarations pleines de douceur & de bonté, marques d'un Prince qui veut sauuer ceux qu'il peut perdre: Le sceau pour rendre plus authentiques & plus asseurées les abolitions stipulées par les traittez, & les finances du Roy pour subuenir aux frais de la guerre, mais plustost de la reuolte. Les dernières déclarations de sa Maiesté ne peuuent estre blasmées sans taxer d'iniustice le Parlement de Paris qui les a verifiées, & deuant lequel neantmoins, le Duc de Neuers fait contenance de se vouloir iustifier. Sa condition seroit meilleure si apres auoir

licentié ses troupes, chassé les garnisons des places de sa Maiesté, il la venoit trouuer, laquelle a eu tousiours en singuliere recommandation l'entretien de la foy publique, & se trouue en estat de punir ou de pardonner selon sa iustice ou sa clemence. Les troupes de gens de guerre que le Mareschal entretient par commandement du Roy, ont esté leuez aux despens de ses amis, viuent avec ordre, sans oppression des sujets de sa Maiesté, la seruent courageusement: Et les armes du Duc de Neuers ne subsistent que par la desolation & misere de ses peuples, pour lutter contre l'autorité Royale & essayer de renuerser



la Monarchie, laquelle Dieu  
vueille conseruer avec la person-  
ne de sa Maiefté.

Commissaire des  
Dessins de la  
Joseph Desormes  
Cultivateur de la  
D'Amblainville  
Ventes de la  
De la République  
française  
Indivisible  
C'est-à-dire



